

حقوقی بیلگیلر مجموعه سی

آیده بر نشر اولنور

CHRONIQUE

شِسُون

استهلاك ویرکوسی حقنده مالیه وکالتندن کلن تعمیمدر :

۱۲۷۹۰ نومرولو ۷ تشرین ثانی سنه ۹۲۶ تاریخلی تحریراته لاحقهدر .

ممالک اجنیهدن ترانسیت اولهرق ورود ایدوب ترانسیت آنتره پولوندن خارجه چیقارلمق سزین کرک طوغریدن طوغری به ممالک اجنیهده کی وکرک داخلده بولنان مشتریلری نامنه صاتیس و اخراجاتی یاپیلان خالیلر مملکته ادخال ایدلمش بر مال عد اولنهمیه جقلرندن مذکور ماللارک مملکت خارجهده وقوعبوله جق صاتیشلرینی استهلاك ویرکوسنه تابع طوتلامسی روح قانونه دها زیاده موافق کورولمکده اولدیغندن اولوجهله ایفای معامله اولنمسی .

خالیلر حقنده کلن بو امرک قیاساً عینی حالده بولنان دیگر امتعهیه تطبیق لازم کلیر ؛ و اولهجه معامله یاپیلماقدهدر ؛ وضع ایدیلن قاعده شودر :
ترانسیت اولهرق کلن مال خارجهده بولنور دیمکدر، خارجهده بولنان ماللرده استهلاك ویرکوسنه تابع دکلدر ؛ بناءً علیه ترانسیتلک وصفی زائل اولمادقجه یعنی مملکته ادخال ایچون معامله رسومیه سی اجرا ایدلمه دیکجه مالک الدن اله کچمسی استهلاك ویرکوسنک تحصیلنه سبب عد اولنهماز .

—————